

הפטרת תרומה

ספר מלכים א, פרק ה

כו וַיְהִי־הַזֶּה נָתַן חֲכֵמָה לְשִׁלְמֹה כַּאֲשֶׁר דִּבֶּר־לוֹ וַיְהִי שָׁלֵם בֵּין חִירָם וּבֵין שִׁלְמֹה וַיִּכְרְתוּ בְרִית שְׁנֵיהֶם: כז וַיַּעַל הַמֶּלֶךְ שִׁלְמֹה מִסּ מִכְּל־יִשְׂרָאֵל וַיְהִי הַמָּס שְׁלֵשִׁים אֶלֶף אִישׁ: כח וַיִּשְׁלַחֵם לִבְנוֹנָה עֲשֶׂרֶת אֲלָפִים בַּחֹדֶשׁ חֲלִיפוֹת חֹדֶשׁ יִהְיוּ בִלְבָנוֹן שְׁנַיִם חֳדָשִׁים בְּבֵיתוֹ וַאֲדָנִיָּרָם עַל־הַמָּס: כט וַיְהִי לְשִׁלְמֹה שִׁבְעִים אֶלֶף נֶשֶׂא סָבֵל וּשְׁמֹנִים אֶלֶף חֹצֵב בָּהָר: ל לָבֵד מִשָּׂרֵי הַנֹּצְבִים לְשִׁלְמֹה אֲשֶׁר עַל־הַמְּלָאכָה שְׁלֹשֶׁת אֲלָפִים וּשְׁלֹשׁ מֵאוֹת הָרָדִים בָּעַם הָעֹשִׂים בַּמְּלָאכָה: לא וַיִּצַּו הַמֶּלֶךְ וַיִּסְעוּ אַבְנִים גְּדֹלוֹת אַבְנִים יְקָרוֹת לְיִסֹד הַבַּיִת אַבְנֵי גִזִּית: לב וַיִּפְסְלוּ בְנֵי שִׁלְמֹה וּבְנֵי חִירָם וְהַגְּבֻלִים וַיִּכְיֵנוּ הָעֹצִים וְהָאַבְנִים לִבְנוֹת הַבַּיִת:

פרק ו

א וַיְהִי בְשָׁמוֹנִים שָׁנָה וָאַרְבַּע מֵאוֹת שָׁנָה לְצֵאת בְּנֵי־יִשְׂרָאֵל מֵאֶרֶץ־מִצְרַיִם בְּשָׁנָה הַרְבִּיעִית בַּחֹדֶשׁ זֹה הוּא הַחֹדֶשׁ הַשְּׁנִי לַמֶּלֶךְ שִׁלְמֹה עַל־יִשְׂרָאֵל וַיִּבְנוּ הַבַּיִת לַיהוָה: ב וְהַבַּיִת אֲשֶׁר בָּנָה הַמֶּלֶךְ שִׁלְמֹה לַיהוָה שְׁשִׁים־אַמָּה אָרְכּוֹ וְעֶשְׂרִים רְחֹבּוֹ וּשְׁלֹשִׁים אַמָּה קוֹמָתוֹ: ג וְהָאוֹלָם עַל־פְּנֵי הַיְכָל הַבַּיִת עֶשְׂרִים אַמָּה אָרְכּוֹ עַל־פְּנֵי רְחֹב הַבַּיִת עָשָׂר בְּאַמָּה רְחֹבּוֹ עַל־פְּנֵי הַבַּיִת: ד וַיַּעַשׂ לַבַּיִת חֲלוֹנֵי שְׁקָפִים אֲטָמִים: ה וַיִּבְנוּ עַל־קִיר הַבַּיִת יָצוּעַ [יָצִיעַ] סָבִיב אֶת־קִירוֹת הַבַּיִת סָבִיב לְהִיכָל וּלְדַבֵּיר וַיַּעַשׂ צִלְעוֹת סָבִיב: ו הַיָּצוּעַ [הַיָּצִיעַ] הַתְּחַתְּנָה חֲמֵשׁ בְּאַמָּה רְחֹבָהּ וְהַתִּיכְנָה שֵׁשׁ בְּאַמָּה רְחֹבָהּ וְהַשְּׁלִישִׁית שֶׁבַע בְּאַמָּה רְחֹבָהּ כִּי מִגֵּרְעוֹת נָתַן לַבַּיִת

סביב חוֹצָה לְבַלְתִּי אַחֲזוּ בְקִירוֹת הַבַּיִת: ז וְהַבַּיִת בְּהַבְנֹתוֹ אָבֹן שְׁלֵמָה
מִסָּע נִבְנָה וּמִקְבֹּוֹת וְהִגְרָזוּ כָּל־כְּלֵי בְרָזָל לֹא־נִשְׁמַע בַּבַּיִת בְּהַבְנֹתוֹ:
ח פֶּתַח הַצֶּלַע הַתֵּיכָנָה אֶל־כַּתֵּף הַבַּיִת הַיְמָנִית וּבְלוּלִים יַעֲלוּ עַל־הַתֵּיכָנָה
וּמִן־הַתֵּיכָנָה אֶל־הַשְּׁלֵשִׁים: ט וַיִּבְנוּ אֶת־הַבַּיִת וַיְכַלְהוּ וַיִּסְפְּנוּ אֶת־הַבַּיִת
גָּבִים וּשְׂדֵרוֹת בְּאַרְזִים: י וַיִּבְנוּ אֶת־הַיְצוּעַ [הַיְצִיעַ] עַל־כָּל־הַבַּיִת חֲמִשׁ
אַמּוֹת קוֹמָתוֹ וַיֵּאָחֲזוּ אֶת־הַבַּיִת בַּעֲצֵי אַרְזִים: יא וַיְהִי דְבַר־יְהוָה
אֶל־שְׁלֹמֹה לֵאמֹר: יב הַבַּיִת הַזֶּה אֲשֶׁר־אַתָּה בִּנִּיתָ אִם־תִּלְוֶה בְּחֻקֹּתַי
וְאֶת־מִשְׁפָּטַי תַּעֲשֶׂה וְשָׁמַרְתָּ אֶת־כָּל־מִצְוֹתַי לִלְכֹּת בְּהֵם וְהִקְמַתִּי
אֶת־דְּבָרִי אֲתָּךְ אֲשֶׁר דִּבַּרְתִּי אֶל־דָּוִד אָבִיךָ: יג וְשָׁכַנְתִּי בְּתוֹךְ בְּנֵי יִשְׂרָאֵל
וְלֹא אֶעְזֹב אֶת־עַמִּי יִשְׂרָאֵל: